



Visoki predstavnik u posjeti Sjedinjenim Američkim Državama

Uoči svog redovnog polugodišnjeg obraćanja Vijeću sigurnosti Ujedinjenih naroda, kada će predstaviti izvještaj o statusu provedbe mira u Bosni i Hercegovini, visoki predstavnik Valentin Inzko je posjetio Washington DC.

Na sastancima sa vršiteljem dužnosti pomoćnika državnog sekretara Philipom Reekerom, zamjenikom pomoćnika državnog sekretara Matthewom Palmerom, te drugim visokim zvaničnicima SAD-a, visoki predstavnik je svoje sagovornike izvijestio o periodu nakon izbora, naglasivši izazove u procesu formiranja vlasti te posljedice koje je taj proces izazvao proteklih mjeseci.

“Puno poštivanje Daytonskog mirovnog sporazuma i jačanje institucionalnih kapaciteta BiH, uz poštivanje njihovih nadležnosti, važni su preduslovi za političku stabilnost i prosperitet Bosne i Hercegovine. Postizanje tih ciljeva i sprečavanje poništavanja daytonskih principa omogućiće Bosni i Hercegovini da iz pozicije međunarodne supervizije krene naprijed ka članstvu u Evropskoj uniji,” rekao je visoki predstavnik.

Tokom boravka u New Yorku, visoki predstavnik će se sastati sa nekoliko ambasadora stalnih misija pri UN-u.

Obraćanje visokog predstavnika pred Vijećem sigurnosti UN-a planirano je za srijedu, 8. maja.